

Inunnik paasissutissat Kalaallit Nunaanni pisortat ingerlatsiviinit suliarineqartut illersorneqarnissaannut isumannaallisaatit pillugit nalunaarut.

Inunnik paasissutissanik suliarinnittarneq pillugu inatsimmi, inatsit nr. 429, 31. maaji 2000-meersumi, § 41, imm. 5 naapertorlugu, nalunaarut nr. 1238, 14. oktober 2016-imeersukkut Kalaallit Nunaannut atuutilersinneqartukkut, aalajangersarneqarpoq:

Kapitali 1

Aalajangersakkat nalinginnaasut

§ 1. Inunnik paasissutissanik elektroniskiusumik tamakkiisumik ilaannakortumilluunniit suliarinnittarnermut, Kalaallit Nunaanni pisortat ingerlatsiviinit suliarineqartunut, nalunaarut una atuuppoq.

§ 2. Inunnik paasissutissanik suliarinninneq kapitali 1-imi aamma 2-mi aalajangersakkat malillugit pissaaq.

Imm. 2. Inunnik paasissutissanik suliarinninneq, inunnik paasissutissanik suliarinnittarneq pillugu inatsimmi kapitali 12-imi malittarisassat malillugit Datatilsynimut nalunaarutigineqartussat, nalunaarummi matumani kapitali 3-mi aalajangersakkat malillugit aammattaaq pissaaq. Tamannali inunnik paasissutissanik suliarinninnermut, inatsisitigut paasissutissiinnermut taamaallaat atugassatut suliarineqartunut atuutinnigilaq, paasissutissat inatsisitigut paasissutissiisutiginetartut tamanit takuneqarsinnaasut pineqarpata. Aammattaaq tamanna ilaasortaanermut akiliutinik unerartitsinissamik isumaqatigiissuteqarnermut atatillugu sulisorisat kattuffeqarnikkut attuumassuteqarnerannik paasissutissanik suliarinninnermut atuutinnigilaq.

§ 3. Paasissutissat nalaatsornermik imaluunniit inatsisinik unioqqutitsisoqarneratigut suujunnaarsinneqarsinnaanerat, annaaneqarsinnaanerat ajorseriaateqarsinnaaneralluunniit akiorniarlugu kiisalu allanit susasaqanngitsunit ilisimaneqalersinnaanerat, atonerlunneqarsinnaanerat allatulluunniit inatsimmut akerliisumik passunneqarsinnaanerat akiorniarlugu teknikkikkut aaqqissuussaannikkullu isumannaallisaatinik pisariaqartunik oqartussaqaarfik qarasaasiakkut paasissutissanut akisussaasuusoq aalajangiissaaq.

Imm. 2. Inunnut paasissutissanut takornartanit pissaanilinnit immikkut soqutigineqartunut atatillugu sorsuttoqalissagaluarpat assigisaanilluunniit pisoqassagaluarpat peerneqarnissaannut suujunnaarsinnissaannullu periarfissiisunik aalajangiisoqassaaq.

§ 4. Nalunaarutip matuma eqqortinneqarnissaanut Datatilsyni nakkutiginnissaaq, tassungalu atatillugu oqartussaqaarfimmut paasissutissanik akisussaasuusumut isumannaallisaalluni aalajangersakkat pillugit innersuussuteqarsinnaalluni, takuuk § 3.

Kapitali 2

Isumannaallisaanermut aalajangersakkat nalinginnaasut

§ 5. Oqartussaqaarfik qarasaasiakkut paasissutissanut akisussaasuusooq oqartussaqaarfiup iluani isumannaallisaanermut atorneqartussanik erseqqissunik aalajangersaassaaq, nalunaarummi matumani malittarissanut itisiliissutaasumik. Aalajangersakkat pingaarnertut aqqissuussaaniikkut tunngasunut, tassunga ilanngullugit isumannaallisaaniikkut aqqissuussaaniikkut, isissutissanik nakkutilliinermut aamma piginnaatitsissutinut tunngasunut, kiisalu piginnaatitsissutinik nakkutilliinermut tunngassapput. Aammattaaq ilitersuutinik aalajangersaasoqassaaq, qarasaasiatigut suliarineqartussat suliarineqarsimasullu suliarineqarnissaannut suujunnaarsinneqarnissaannullu, kiisalu qarasaasianik atuineranut akisussaassuseqarnermut aamma suliaqarnermut aalajangersaaffiulluni nassuiaataasumik. Tamatuma saniatigut oqartussaqaarfiup isumannaallisaanermik eqqortitsineranik, oqartussaqaarfimmut atugassatut aalajangersarneqarsimasunik, oqartussaqaarfiup nakkutiginninnissaanut malittarisassaliortoqassaaq.

Imm. 2. Oqartussaqaarfiup iluani malittarisassat ikinnerpaamik ukiumut ataasiarluni misissorneqartassapput, oqartussaqaarfimmi pissutsinut tunngatillugu naammaginaruunerat naleqquttuunerallu qulakkeerniarlugu.

§ 6. Oqartussaqaarfik qarasaasiakkut paasissutissanut akisussaasuusooq sulisunut inunnut paasissutissanik suliaqartunut pisariaqartumik ilitersuissaaq. Tassunga ilanngullugu § 5 naapertorlugu malittarisassat aalajangersarneqartut pillugit sulisut ilisimatinneqassapput.

§ 7. Inunnut paasissutissat qarasaasiakkut paasissutissanik suliarinnittartumit, qarasaasiakkut paasissutissanik akisussaasoq sinnerlugu, suliarineqarpata atsiukkamik isumaqatigiissusiortoqassaaq, tassani ilanngunneqassalluni suliarinninneq nalunaarummi matumani malittarisassat malillugit qarasaasiakkut paasissutissanik suliarinnittartumut aamma atuuttuusut. Qarasaasiakkut paasissutissanik suliarinnittartoq naalagaaffimmi Den Europæiske Unionimi ilaasortaasumi inissisimappat isumaqatigiissummi ilanngunneqassaaq isumannaallisaanermut aalajangersakkat, qarasaasiakkut paasissutissanik suliarinnittartup naalagaaffimmi inissisimaffigisaani aalajangersarneqarsimasut, tassunga atuuttuusut.

Imm. 2. Inunnut paasissutissanik suliarinninneq, oqartussaqaarfiup qarasaasiakkut paasissutissanik akisussaasuusup sumiiffiata avataani, qarasaasiami suliffigisami pippat oqartussaqaarfik tamatumunnga immikkut malittarisassaliussaaq, taamaaliornikkut isumannaallisaanermut aalajangersakkat sissuernerneqarnissaat qulakkeerniarlugu.

§ 8. Sumiiffinni, inunnut paasissutissanik suliarinniffiusuni, iliuusissanik aalajangersaasoqassaaq, paasissutissat susassaqaqngitsunit takuneqarnissaasa pinngitsoortinneqarnissaat siunertarlugu.

§ 9. Qarasaasiatigut atortunik, inunnut paasissutissanik imalinnik, iluarsaassinermut aamma misissuineranut, kiisalu qarasaasianik atornikunik tunisineranut aamma atorunnaarsitsineranut atatillugu iliuusissanik pisariaqartunik aalajangersaasoqassaaq, § 3-mi aalajangersakkap sissuernerneqarnissaa qulakkeerniarlugu.

Qarasaasiatigut suliarineqartussat inunnut paasissutissanik imallit

§ 10. Qarasaasiatigut suliarineqartussat, nammineerluni suliarineqartussat imaluunniit allattugaatinut ilaangitsut, inunnit qarasaasiamut paasissutissanik ilioraanermik sulialinnit taamaallaat atorneqarsinnaapput. Qarasaasiatigut suliarineqartussat, § 2, imm. 2-mi aalajangersakkanut ilanngunneqartut, atorneqannginneranni paarnaqqasumi toqqortarineqassapput.

Imm. 2. Qarasaasiatigut suliarineqartussat imm. 1-imi taaneqartut peerneqassapput imaluunniit suujunnaarsinneqassapput, suliarinninnermi siunertarineqartumut, imaluunniit inunnut paasissutissanik qarasaasiamut iliorarneqartunik nakkutilliineranut atorneqartussaajunnaarpata, taamaattorli oqartussaqaqfiup qarasaasiatigut paasissutissanik akisussaasuusup kingusinnerpaamik piffissaliussatut aalajangersagaa malillugu.

Imm. 3. Qarasaasiatigut suliarineqartussanik suujunnaarsitsineremi paasissutissat atonerlunneqannginnissaat imaluunniit susassaqaqngitsunit ilisimaneqalinnginnissaat anguniarlugu pisariaqartumik isumannaallisaanikkut aalajangersaasoqassaaq.

Piginnaatitsineq aamma takunnissinnaasunik nakkutilliineq

§ 11. Inuit tamatumunnga piginnaatitsissummik tunineqartut kisimik inunnut paasissutissanik suliarineqartunik takunnissinnaapput.

Imm. 2. Inunnut paasissutissanik suliarinninnermi siunertarineqartumik suliallit kisimik piginnaatitsissummik tunineqarsinnaapput. Atuisut ataasiakkaat pisariaqartinngisaminnik atuinissaminnut piginnaatinneqassanngillat.

Imm. 3. Aammattaaq inuit piginnaatitsissummik tunineqassapput, misissuinissaq imaluunniit ingerlatsineranut aamma teknikkikkut suliassat suliarinissaat siunertarlugu paasissutissanik takunnissinnaanissamik pisariaqartitsippata.

§ 12. Atuisut piginnaatinneqartut kisimik takunnissinnaanissaat, aamma taakku inunnut paasissutissanik piginnaatitsissummik pigisaqarfimminnut taamaallaat takunnissinnaanissaat qulakkeerniarlugu iliuusissanik aalajangersaasoqassaaq.

Qarasaasiatigut suliarineqarsimasut inunnut paasissutissanik imallit

§ 13. Qarasaasiatigut suliarineqarsimasut taamaallaat inunnut paasissutissanik suliarinninnermi siunertarineqartumik sulialinnit atorneqarsinnaapput.

Imm. 2. Tamatuma saniatigut qarasaasiatigut suliarineqarsimasut systemimi tassani inunnit misissuinnermik, imaluunniit ingerlatsinermut aamma teknikkikkut suliaqartunit atorneqarsinnaapput.

Imm. 3. Qarasaasiatigut suliarineqarsimasut ima toqqortaatigineqassapput inunnt paasissutissat tassaniittut inunnit susassaqqanngitsunit ilisimaneqalerlutik takuneqarsinnaassanatik.

Imm. 4. Qarasaasiatigut suliarineqarsimasut peerneqassapput imaluunniit suujunnaarsinneqassapput, suliarinninnermi siunertarineqartumut atorneqartussaajunnaarpata, aamma oqartussa qarfiup qarasaasiatigut paasissutissanik akisussaasuusup kingusinnerpaamik piffissaliussaatur aalajangersagaa malillugu.

Imm. 5. Qarasaasiatigut suliarineqarsimasunik suujunnaarsitsinermi paasissutissat atonerlunneqqannginnissaat imaluunniit susassaqqanngitsunit ilisimaneqalinnginnissaat anguniarlugu pisariaqartumik isumannaallisaanikkut aalajangersaasoqassaaq.

Imm. 6. Imm. 1-5-imi aalajangersakkat qarasaasiatigut suliarineqarsimasunut, sulianut nammineerluni suliarineqartussanut imaluunniit allattugaatinut, atuutinngillat.

Attaveqarfii avataaneersut

§ 14. Attaveqarfinnut avataaneersunut taamaallaat attaveqarnermik pilersitsisoqarsinnaavoq, iliuusissanik immikkut aalajangersaasoqarsimappat, susassaqqanngitsut attaveqarfiit taakku aqutugalugit inunnt paasissutissanik takunnissinnaannginnissaat qulakkeerniarlugu.

Kapitali 3

Suliarinninnernut nalunaaruteqartussaataaffiusunut ilassutitut isumannaallisaatit

§ 15. Kapitali 3-mi aalajangersakkat atorneqassanngillat paasissutissat suliarineqartut Datatilsynimut nalunaaruteqartussaataanermut ilaanngippata.

Piginnaatitsineq aamma takunnissinnaanermik nakkutilliineq

§ 16. Piginnaatitsinerni, takuuk § 11, nalunaarneqassaaq, atuisoq qanoq annertutigisumik inunnt paasissutissat pillugit apeqquteqaateqarsinnaanersoq, qarasaasiamut ilioraasinnaanersoq imaluunniit paaasinnaanersoq.

§ 17. Inuit piginnaatinneqartut § 11, imm. 2-mi aamma 3-mi, aamma § 16-imi aalajangersakkanik suli naammassinninnissaat qulakkeerneqassaaq.

Imm. 2. Tamatuminnga nakkutilliineq ikinnerpaamik ukiup affakkaartumik ingerlanneqartassaaq.

Qarasaasiakkut iseriaraluarnernik akueriumaneqqanngitsunik nakkutilliineq

§ 18. Qarasaasiakkut iseriaraluarnernik akuerineqqanngitsunik tamanik nalunaarsuisoqassaaq. Piffissap aalajangersakkap iluani qarasaasiamut iseriaraluarnernit,

qarasaasiamit suliffimmit ataatsimit imaluunniit atuisutut ilisarnaammit ataatsimit pisut, tullerriaaginnarlutik akuerineqanngitsut erseqqinnerusumik amerlassusillit nalunaarsorneqartuarpata misileqqinnissamut mattussisoqassaaq. Oqartussa qarqarfimmi ingerlaavartumik malitseqartitsisoqartassaaq.

Qarasaasiamut iserneq

§ 19. Inunnut paasissutissanik atuinerit tamarmik qarasaasiakkut nalunaarsorneqassapput (logning). Nalunaarsuineq minnerpaamik piffissamik, atuisumik, sumut atorneqarnissaannik, paasissutissani atorneqartuni pineqartup, imaluunniit ujarlernermi tunngavigineqartut pillugit paasissutissanik imaqaassaaq. Qarasaasiamut isernermut nalunaarsugaq qaammatini arfinilinni toqqortaatigineqassaaq, tamatumalu kingorna peerneqassalluni. Oqartussa qarqarfiit immikkut pisariaqartitsisut qarasaasiamut isernermut nalunaarsugaq ukiut tallimat tikillugit toqqortaatigisinnaavaat.

Imm. 2. Imm. 1-imi aalajangersagaq atuutissanngilaq, inunnut paasissutissanut allakkiani assigisaannilu ilanngunneqartunut, naammassillugit suliarineqanngitsunut. Tamanna aamma atuuppoq allakkiat assinginut naammassineqareersunut, oqartussa qarqarfimmi qarasaasiatigut paasissutissanik akisussaasumit erseqqinnerusumik killiliussat sivikinnerusut iluanni peersisoqarpat.

Imm. 3. Imm. 1-imi aalajangersagaq atuutissanngilaq, inunnut paasissutissanik suliarinninneq taamaallaat programminik, inunnut paasissutissanik amerlasuukkaarlugit suliaqarnissamik aalajangersagaareersunik («batch»-kørsler), atorunnaarsitsinermut tunngatillugu pippat. Taamaattorli atuisup qarasaasiamut isernera aamma suliarinninnermi piffissaq nalunaarsorneqassapput.

Imm. 4. Imm. 1-imi aalajangersagaq aammattaaq atuutissanngilaq, inunnut paasissutissanik suliarinninneq taamaallaat kisitsisitigut paasissutissanut imaluunniit ilisimatusarnikkut misissuineq siunertaralugu suliarineqarpata, aammalu tamanna pitinnagu kinaassutsimut paasissutissat paasiuminaallisarneqarlutilluunniit ilisarnaammik normumik assigisaanilluunniit taarserneqarsimappata. Taamaattorli atuisup qarasaasiamut isernera aamma suliarinninnermi piffissaq nalunaarsorneqassapput.

Imm. 5. Kiisalu imm. 1-imi aalajangersagaq atuutissanngilaq, inunnut paasissutissat pillugit uuttortaanermi imaluunniit misissueqqissaarnermi inernerit ingerlaannartumik namminneq medicoteknikkikkut atortunut immiunneqarpata. Atuuttussaatsinnginneq aamma inunnut paasissutissanut nammineeirluni medicoteknikkikkut atortunut, paasissutissanut ingerlaannartumik immiunneqartunut tapertassatut, nalunaarsorneqartunut atuuppoq.

Kapitali 4

Atuutilersitsineq

§ 20. Nalunaarut atuutilerpoq ulloq 1. decembari 2016.

Justitsministeriet, ulloq 29. november 2016

SØREN PAPE POULSEN

/ Jakob Lundsager